

## Giets ni rgixhe'xha ga'a ikuane' sa' bini yeaz 2026 lo Sistema OPLE (ni rgixhe' nizeas)

Instituto Nacional Electoral ku ni ki Dirección Ejecutiva del Servicio Profesional Electoral Nacional, ribch la' riata bini ni rka'z giu' loo ti zini ni ruud rsead di bi ti gaak igiea di bi chi icheal xhtiisi riata gidxi ni rii dita leani gidxi Mexi, zini re'e zaa lo ti xhtiisi ni rnabee chiru rkuloo di bi iga'a gak riata chi rcheal xhtiisi, ne' la' di bi kabchi di bi la' riata bini ni rka'z giu' ti lo zini ruud ikuane' sa' bini yeaz 2026, ni guni gan chi gilo ikuane' sa' bini, sak gak di bi zini lo xhtiisi ni rgie' chiru rkulo chi rcheal xhtiisi riat di gidxi, la' di bi ini'nu OPLE dixhtiili.

### I. Ni rkaznu gak:

Ibee lo bini, rud kue bini gixhuu, rud gindiag riata bini xha ne icheal bini ni guni zini, chiru ti gakbe'nu bini naan naa bini ni guni zini, bini ni guee skuili, bini zaak, bini ni rak runi gal xhtiisi chiru bini ni lii pi ki gak gap bi pacien la bini ni rizni ti rkini di bi gaknee bini la' di bi, riata di ndalginzi ni naa xhteni xhtiisi, la chi rcheal di bi, gula chi rcha' di bi gula la yu' xhi ed rga'ti runi di bi.

Zini ruud ikuane' sa' bini naa gakni t rkaz bini iga' gak riata chi rcheal xhtiisi, gula chi rcha' di bi gula la yu' xhi ed rga'ti runi riata di xhtiisi ni rbeasi leani gidxi Lua'; ne' rka'znu chu' bini zak ni guni zini re', bini ni bsead, bini ni rak runi xhgab, bini nan riata xha rak gal xhtiisi, ni nan xha rak chi rcheal xhtiisi ti igiea' bi xhneazni gakni, ti teati tu xhlad chu' xhtiis, ti igea' bi xhneezkni rakni, chiru ti igea' bi chu' respeti riata di darich ni rap bini chi rcheal xhtiisi

### II. Lo bni ni giea di giets re:

Tu gak giu lo re' riata bini ni guli leani gidxi ro'o ni laa Mexi, riata bini ni rka'z guni zini re' sak gak di bi zini lo xhtiisi ni rgie' chiru rkulo chi rcheal xhtiisi riat di gidxi, la' di bi ini'nu OPLE, sol ki na pi ki ixhea'li di bi riata di giets xhteni di bi ni rnabnu ti gakbe'nu tu laa di bi, kali yu' di bi, xhi zini beani di bi chiru ti gakbe'nu lii pi ki di bi bsead di bi ti gak guni di bi zini ruud ikuane' sa' bini, chiru chi giloki gak guni di bi zini chi icheal di xhtiisi. Se'ks sa'k giu' bini ni aruni ki zini di leat re' ni rkaz guni ti zini ro'o ru lakis ni aruni bi re', asru naasi guni bi riata sikni rni' lo giets re', na ixheali bi riata di giets ni rkini.

### III. Xhi giets rkiniu ti giu' lo re':

- Na gak bi ti bini ni guli leani gidxi Mexi chiru na gap bi riata darch xhte'ni bi
- Na gap bi credencial ni gadi tead xhchini
- Ed naa ti gak bi ti bini ni runi zini ti partid
- Ed biuti la bi ti lo partid ni kis guni zini lo ti di nde', ni kis naa ni kis di lo chon yeaz
- Ed naa ti ed gakti guni bi zini, na gak guni bi ni
- Na ixheali bi riata giets ni rnabnu chiru na gak guni bi za' zini ni rnabnu
- Na tead bi riata ni rnabnu
- Ixheali bi ti giets ni la "8 xhteni 8 ed isakziti sa' bini" chiru na ku' bi fiern loni

#### IV. Rud nrii riata bini gak guni zini teati gak ti lad

Zini ruud ikuane' sa' bini yeaz 2026 iga' duxh pi ki na gakni sikni ka lo riata di giets ni nrii riata bini ti loosi igieanu la' di bi, tea' ti gak igieanu ti lad. Lo riata nde', ed gakti gak gakne sa' bini ni kis guni ti lad sa' bini, ni kis ichun di bi gula garini garini guni sa' di bi gula ed ila' ti bini guni di bi zini re' ti saa di bi ti gidxi bichi, ti gidxi ni rii ayak, gula ti guli di bi sti leat, gula ti nrii di bi ti didx ni bsa'n saan tiemp sik naa didxza, gula ti rakxhu' di bi, gula ti naa di bi bninaa gula bningieu, gula xhi sti rluy di bi naa di bi, gula ni realilas di bi gula xhgab ni runi di bi, gula nitisi sti ni rsak di bi.

Ti gak gakbee bini riata bini ti loosi rgienenu la' di bi, teati tu rgienenu garinik chiru ti gakbe' di bi riata bini ni guk laani se' si ki igiea' nu lo giets xhteni di bi, su' ti giets ni inii xha gak di bini ni rakxhu' ti iluyti di bi rgien tiladnu la' di bi. Lo di didx ni nrii lo giets re' rgiea' un xhgab izy di bi riata ni rnabnu mis loosi computador, mis ed iznine' ti di bi ni loonu, chiru ze' k idiilu xha irchi giets re' riata di didx ni nrii bini lea' ni gidxi Lua', sik naa didxza, chiru idi' linu xha gakneenu la' di bi bal yu' xhi ed razaati di bi, bal ed gakti yu' di bi loo internet gula bisi rasa di bi xha ixheali di bi giets nis re', ileasinu chini bal gadi di bi isiloo chi gak di bi evaluar, chiru gaknenu la' di bi chi tead di bi inine' di bi bini ni inabidix la' di bi xhixh ti rka's di bi guni di bi zini re', bal rkini di bi ti bini ni itead xhtidix di bi bal naa di bi bini gup chiru rkini di bi tu ini' xhtidix di bi kun sefi gula rki' ni di bi inibi di bi, gula yu' ru xhi sti rki' ni di bi.

#### V. Xha gak zini ruud ikuane' sa' bini yeaz 2026

Zini ruud ikuane' sa' bini, ga' kua naa ni tead di bi looni, o di dxi di ki kaa re':

| Xhi ne'gak                                                                              | Gura gakin                               |
|-----------------------------------------------------------------------------------------|------------------------------------------|
| Irich giets re'                                                                         | 30 dxi juli axhta 14 dxi agost yeaz 2026 |
| Gak laa bini chiru yu' la di bi                                                         | 7 al 14 dxi agost yeaz 2026              |
| Idixhe' nu tu ne' ged geani ti giets ti gakbe' nu la nan di bi                          | 24 axhta 28 dxi agost yeaz 2026          |
| Guni di bi giets rud gakbe' nu la nan di bi                                             | 19 dxi septiembr yeaz 2026               |
| Ixheali di bi giets ni ini' riata ni rkini di bi absiy di bi                            | 10 axhta 16 dxi octubre yeaz 2026        |
| Guni di bi giets rud gakbe' nu xha runi di bi xhgab                                     | 7 dxi noviembr yeaz 2026                 |
| Tead di bi inine' di bi bini ni inabidix la' di bi xhixh ti rka's di bi guni di bi zini | Subloo 18 dxi noviembr yeaz 2026         |
| Idixhe' nu la dead di bi gula ed dead ti di bi                                          | Msia ni rop xhman diciembr yeaz 2026     |
| Idea' dnu zini guni bini ni dead                                                        | Subloo 21 dxi diciembr yeaz 2026         |

## VI. Rud idixhe'nu riata ni gak

Riata di giets ni zak rud kixhe'nu xha naa zini rud ikuane' sa' bini irikaa ni lo interet xhte'ni INE: [www.ine.mx](http://www.ine.mx).

Bal yu' xhi rka'su inabdidxu gula rka'su gahnenu luy, riata bni ni rkas xhi gakbe' sak ini' d b loo **INETEL**, al **800 433 2000**, gula gak ikua' d b loo correo electrónico [concurso-ople.spen@ine.mx](mailto:concurso-ople.spen@ine.mx), lea'ni xhman desi **9:00 am axhta 6:00 pm** hor ni sesaneenu.